

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0063917 25
Zenica, 29.07.2025. godine

OPĆINSKOM SUDU U ZENICI
-Sudiji za prethodno saslušanje-
ZENICA

Na osnovu člana 45. stav 2. tačke i), člana 241. stav 1. ZKP-a F BiH, podižem

O P T U Ź N I C U

Protiv:

1. K. A., osuđivan

2. K. I., osuđivan

što su:

I K. A., sam

1. dana 13.05.2025. godine, oko 19,30 sati, na području grada Z., u ulici ..., silom i prijetnjom da će izravno upotrijebiti silu, spriječio službene osobe policijske službenike PS C. P. I. i I. S. u vršenju službene radnje koju su poduzeli u okviru svoje ovlasti pri obavljanju poslova javne sigurnosti ili sigurnosti Federacije ili funkcija i čuvanja javnog reda, na način da su policijski službenici sa službenim vozilom marke „VW“ Transporter, registarskih oznaka ..., pokušali da zaustave pmv marke Audi, registarskih oznaka ... kojim je upravljao i koji se vozilom kretao prema policijskoj patroli, koja je upotrebom svjetlosne i zvučne signalizacije izdala jasnu naredbu da zaustavi vozilo, koji je potom zaustavio vozilo ispred policijskog vozila, a onda je krenuo vozilom unazad udaljavajući se od policijske patrole i tom prilikom ostvario kontakt sa parkiranim vozilom marke Renault Scenic zadnjom stranom svoga vozila sa zadnjom stranom parkiranog vozila, te se nakon toga i dalje nastavio kretati vozilom unazad udaljavajući se od policijskih službenika da bi u ulici ... svojim vozilom ostvario kontakt sa parkiranim vozilom marke Citroen i to zadnjim dijelom svoga vozila, te je policijska patrola sa upaljenom zvučnom i svjetlosnom signalizacijom na službenom vozilu pokušavala ga zaustaviti po kojim jasnim i izričitim naredbama nije postupio, nego je u namjeri da spriječi policijske službenike MUP-a ZDK u obavljanju poslova službene radnje kontrole lica i vozila vozilom kojim je upravljao potom krenuo naprijed prema službenom vozilu i prednjim dijelom svog vozila ostvario kontakt sa prednjim dijelom službenog vozila, a nakon toga ostvario kontakt i sa ogradom kuće, a potom se velikom brzinom udaljio ulicom ... i

dalje ulicom ... prema naselju P., da bi nakon toga vozilo Audi, kojim je upravljao, napustio u naselju P. i dao se u bjekstvo zajedno sa K. I., koji se također nalazio u vozilu, da bi nakon toga bili pronađeni, lišeni slobode i privedeni u policijsku stanicu C., a vozilo Audi, registarskih oznaka ..., pomoću vozila BIHAMK prebačeno na službeni parking Policijske uprave I,

dakle, upotrebom sile spriječio službenu osobu u vršenju službene radnje koju je poduzelo u okviru svojih ovlasti pri obavljanju poslova javne sigurnosti i čuvanja javnog reda,

2. dana 20.05.2025. godine, oko 20,20 sati, na području grada Z., u ulici ..., u naselju G., silom i prijetnjom da će izravno upotrijebiti silu, spriječio službene osobe policijske službenike M. A., D. A., K. N. i Č. A. u vršenju službene radnje koju su poduzeli u okviru svoje ovlasti pri obavljanju poslova javne sigurnosti ili sigurnosti Federacije ili funkcija i čuvanja javnog reda, na način da mu je policijski službenik M. A. pomoću svjetlosne signalizacije izdavao jasnu i nedvosmislenu naredbu da zaustavi vozilo marke „Mercedes“ reg. oznaka ... dok se u isto vrijeme na mjestu suvozača nalazio K. I., koji se zaustavio sa vozilom kojim je upravljao i potom nije postupio po izričitoj naredbi policijskog službenika nego se počeo kretati vozilom unazad, potom okrenuo vozilo i velikom brzinom se dao u bijeg prema naselju S. lokalnim putem dalje prema naselju S., gdje su ga policijski službenici ponovo zaustavljali davajući mu jasne i nedvosmislene naredbe da se zaustavi po kojim jasnim i izričitim naredbama nije postupio, nego je u namjeri da spriječi policijske službenike MUP-a ZDK u obavljanju poslova službene radnje kontrole lica i vozila počeo se kretati većom brzinom i tom prilikom udario u službeno policijsko vozilo „VW“ Caddy reg. oznaka ..., a zatim ostvario i kontakt sa dvorišnom ogradom i betonskim stubom uslijed čega se vozilo prevrnulo, kojom prilikom su iz vozila ispala dva telefona, novčanik sa dokumentima, lančić i jedna torbica crne boje u kojoj se nalazila precizna digitalna vaga i više pvc vrećica sa praškastom i biljnom materijom koja asocira na opojnu drogu, nakon čega je na licu mjesta izvršen uviđaj, te u sklopu uviđaja izuzeti navedeni predmeti, da bi nakon toga iz vozila izašli osumnjičeni K. A. i suvozač K. I., te su lišeni slobode, a vozilo Mercedes specijalnim vozilom BIHAMK-a prevezeno na službeni parking PS N.,

dakle, upotrebom sile spriječio službenu osobu u vršenju službene radnje koju je poduzelo u okviru svojih ovlasti pri obavljanju poslova javne sigurnosti i čuvanja javnog reda,

II K. A. I K. I., zajedno

dana 20.05.2025. godine, na području grada Z., suprotno odredbama člana 4. stav 1. u vezi sa članom 19. i 20. Zakona o sprečavanju i suzbijanju zloupotrebe opojnih droga Bosne i Hercegovine, iako su bili svjesni da je prodaja opojne droge zabranjena zakonom, to su i htjeli, pa radi prodaje neovlašteno držali opojnu drogu: pvc vakum vrećica u kojoj se nalazila bijela vlažna materija bruto mase 219,530 grama, 3 bijela pvc paketića zavezana u čvor sa vlažnom bijelom materijom neto mase 15,982 grama, 1,572 grama, bijeli pvc paketić u kojem su se nalazile 2 ljubičaste tablete prosječne neto mase 0,505 grama, 3 bijela pvc paketića zavezana u čvor sa zelenom biljnom materijom neto mase 64,681 grama, 24, 012 grama, 1,751 grama, pvc

omot od papirnih maramica u kojem se nalazila zelena biljna materija neto mase 9,960 grama, bijeli papirni omot u kojem se nalazi pvc paketić sa ljubičastom materijom neto mase 3,977 grama, za koju je izvještajem o provedenom ispitivanju i vještačenju privremeno oduzetih predmeta FUP Centar za forenziku, S. broj: ... od 21.05.2025. godine utvrđeno da bijela vlažna materija mase 219,530 grama dostavljena u pvc vakum vrećici sadrži psihotropnu supstancu amfetamin, poznatiju kao opojna droga „Speed“, koja droga je pod rednim brojem 1 „Liste psihotropnih tvari“ iz tabele II/2 „Tvari i biljke pod strogom kontrolom“ proglašena drogom, kao i digitalna vaga za precizno mjerenje, koja opojna droga i precizna vaga su opisani i izuzeti prilikom vršenja radnje uviđaja PU I Z., Odsjek krim. policije broj: ... od 21.05.2025. godine,

dakle, neovlašteno radi prodaje držali opojnu drogu

čime su pod tačkom I-1. i I-2. i tačkom II K. A. počinio produženo krivično djelo Sprečavanje službene osobe u vršenju službene radnje iz člana 358. stav 3. u vezi sa stavom 1 i 2 i članom 55. KZ F BiH u sticaju sa krivičnim djelom Neovlaštena proizvodnja i stavljanje u promet opojnih droga iz člana 238. stav 1. u vezi sa članom 31. i 54. KZ F BiH, a pod tačkom II K. I. krivično djelo Neovlaštena proizvodnja i stavljanje u promet opojnih droga iz člana 238. stav 1. u vezi sa članom 31. KZ F BiH.